

STATISTIKAT E KRIMEVE DHE DREJTËSISË PENALE

Viti 2025

Në vitin 2025, janë evidentuar gjithsej 38.345 vepra penale, 17,4 % më shumë, krahasuar me vitin 2024.

Numri i autorëve të dyshuar për vepra penale në vitin 2025 arriti në 45.334, me një rritje prej 13,2 %, krahasuar me vitin paraardhës:

- 93,3 % janë meshkuj, ndërsa grupmosha më e përfaqësuar është ajo 30-44 vjeç (36,2 %);
- Numri i autorëve pa përsëritje është 39.027, 16,7 % më shumë, krahasuar me vitin 2024.

Në vitin 2025, janë regjistruar 19.145 persona të dëmtuar, 7,8 % më shumë, krahasuar me një vit më parë:

- 39,3 % e tyre janë të dëmtuar për krime kundër personit;
- Femrat e dëmtuara përbëjnë 36,7 % të kategorisë krime kundër personit, kryesisht në krime seksuale, krime kundër moralit dhe dinjitetit si edhe në krime kundër fëmijëve, martesës dhe familjes.

Numri i procedimeve penale të regjistruara në vitin 2025, është 27.049, me një rritje prej 8,5 %, krahasuar me vitin e kaluar:

- Nga 24.491 procedime penale të përfunduara, 27,6 % e tyre janë pushuar, 27,8 % janë pezulluar dhe 42,5 % janë dërguar për gjykim në gjykatë.


Në vitin 2025, janë regjistruar 14.356 persona të pandehur, 9,0 % më shumë, krahasuar me një vit më parë:

- Meshkujt përbëjnë 94,0 % të numrit gjithsej të të pandehurve.

Numri i të burgosurve në institucionet e ekzekutimit të vendimeve penale është 4.503, 0,3 % më shumë, krahasuar me vitin 2024:


- Meshkujt përbëjnë 98,4 % të numrit gjithsej të të burgosurve.

FIG. 1 NDRYSHIMI NË PËRQINDJE I VEPRAVE PENALE, 2025-2024



Burimi: Drejtoria e Përgjithshme e Policisë së Shtetit, llogaritjet INSTAT

FIG. 2 TË BURGOSUR SIPAS GRUPMOSHËS, NË NUMËR



Burimi: Drejtoria e Përgjithshme e Burgjeve, llogaritjet INSTAT

Shënim për përdoruesit:

Të dhënat e detajuara vjetore sipas grupeve janë të disponueshme në databazën statistikore të INSTAT:

[Krimet dhe Drejtësia Penale](#)

Metodologjia

Burimi i të dhënave: Të dhënat janë siguruar nga Drejtoria e Përgjithshme e Policisë së Shtetit, Prokuroria e Përgjithshme dhe Drejtoria e Përgjithshme e Burgjeve.

Të dhënat mbi statistikën e krimeve dhe drejtësisë penale janë paraprake dhe subjekt rishikimi. Për më shumë referohu: <http://www.instat.gov.al/al/rreth-nesh/cilesia-statistikore.aspx/> Politika e revizionimit statistikor.

Koncepte

Vepra penale - Statistikat mbi veprat penale të evidentuara japin një pamje gjithëpërfshirëse të të gjithë rasteve të raportuara në polici. Ato tregojnë numrin e veprave penale që janë raportuar dhe evidentuar si vepra penale nga policia.

Autorë - Të dhënat mbi autorët bazohen në persona të dyshuar në kryerjen e një vepre penale. Totali i autorëve paraqet numrin e autorëve për vepër penale. Një autorë mund të jetë i pranishëm në më shumë se një vepër penale.

Persona të dëmtuar - Të dëmtuarit e veprave penale i referohen personave të dëmtuar nga kryerja e një vepre penale gjatë një viti.

Procedime penale - Statistikat mbi procedimet penale paraqesin të dhëna për procedimet penale të regjistruara, pushuara, pezulluara dhe procedimet penale të dërguara për gjykim.

Procedime të regjistruara - janë procedimet që kanë filluar të hetohen në vitin korrent. Procedime të pushuara janë procedimet për të cilat prokurori në përfundim të hetimeve paraprake vendos vetë ose i kërkon gjykatës pushimin e çështjes ose akuzës, kur janë rastet e parashikuara nga neni 328 i Kodit të Procedurës Penale. Procedime të pezulluara janë vendimmarrjet e prokurorit në rastet kur nuk njihet autori i veprës penale ose kur i pandehuri vuan nga një sëmundje e rëndë që ndalon hetimin e mëtejshëm. Statistikat mbi procedimet penale për gjykim paraqesin numrin e çështjeve të dërguara në gjykatë për gjykim të një personi të akuzuar ose që do të akuzohet për kryerjen e një vepre penale.

Të pandehur - Statistikat për të pandehurit paraqesin të dhëna për numrin e të pandehurve të rinj që u nënshtrohen procedimeve penale për gjykim gjatë vitit referues. Në sistemin e drejtësisë, në këtë fazë ata nuk janë më persona të dyshuar në kryerjen e një vepre penale, siç ishin në polici por janë persona të akuzuar. Për qëllime statistikore, në totalin e të pandehurve janë shtuar të dhëna edhe për personat nën hetim.

Të burgosur - Të dhënat për personat në institucionet e ekzekutimit të vendimeve penale i referohen numrit gjithsej të personave të dënuar me burg dhe të paraburgosur, në burgje, qendrat e paraburgimit, institucionet e burgosjes së të miturve si edhe spitale të burgut, deri në dhjetor të çdo viti. Të dënuar me burg i referohet personave që ndodhen në burgje, të cilët kanë marrë dënimin përfundimtar me burgim. Të paraburgosur i referohet personave që janë në qendrat e paraburgimit dhe në burgje, ndaj të cilëve është marrë masë sigurimi "arrest në burg".

Përkufizime

Vrasje me dashje: Vepër e kundërligjshme, me anë të së cilës i hiqet jeta një personi tjetër me dashje. Përshihen veprat penale si: Neni 76 Vrasje me dashje, Neni 77 Vrasje me dashje në lidhje me një krim tjetër, Neni 78 Vrasje me paramendim, Neni 78/a Vrasje për gjakmarrje, Neni 79 Vrasje në rrethana cilësuese, Neni 79/a Vrasje e funksionarëve publik, Neni 79/b Vrasja e punonjësve të policisë së shtetit, Neni 79/c Vrasje për shkak të marrëdhënieve familjare, Neni 81 Vrasje e foshnjës.

Krime seksuale: Përfshihen nenet 100-108/a të Kodit Penal.

Vjedhje me dhunë: Përfshihet Neni 139 i Kodit Penal.

Vjedhje me armë: Përfshihet Neni 140 i Kodit Penal.

Vjedhje duke shpërdoruar detyrën: Përfshihet neni 135 i Kodit Penal.

Krime me dashje kundër shëndetit: Përfshihen nenet 86-90 të Kodit Penal.

Mashtrime: Përfshihen nenet 143-149/b të Kodit Penal.

Fallsifikim monedhash: Përfshihet Neni 183 i Kodit Penal.

Krime në fushën e drogës: Përfshihen veprat penale si: Neni 283 Prodhimi dhe shitja e narkotikëve, Neni 283/a Trafikimi i narkotikëve, Neni 284 Kultivimi i bimëve narkotike, Neni 284/c Prodhimi dhe fabrikimi i lëndëve narkotike dhe psikotrope.

Shkelje e rregullave të qarkullimit rrugor: Përfshihen veprat penale si: Neni 290 Shkelje e rregullave të qarkullimit rrugor, Neni 291 Shkelje e rregullave të qarkullimit rrugor në gjendje të dehur, pa dëshmi, Neni 273 Largim nga vendi i aksidentit.

Trafikimi i armëve: Përfshihen nenet 278-280 të Kodit Penal.

Krime kibernetike: Në përputhje me Direktivën 2013/40/EU, të përafuara me legjislacionin shqiptar, në krime kibernetike përshihen veprat penale si: Neni 192/b Hyrja e paautorizuar kompjuterike, Neni 293/a Përgjimi i paligjshëm i të dhënave kompjuterike, Neni 293/b Ndërhyrja në të dhënat kompjuterike, Neni 293/c Ndërhyrja në sistemet kompjuterike, Neni 293/ç Keqpërdorimi i pajisjeve.

Pastrim i produkteve të veprës penale: Përfshihen veprat si: Neni 287 Pastrimi i produkteve të veprës penale ose veprimtarisë kriminale, Neni 287/a Çelja e llogarive anonime, Neni 287/b Përvetësimi i parave ose mallrave që rrjedhin nga vepra penale ose veprimtaria kriminale.

Përndjekja: Përfshihet Neni 121/a i Kodit Penal.

Kalim i paligjshëm i kufirit shtetëror: Përfshihet Neni 297 i Kodit Penal.

Dhënie ndihmë për kalim të paligjshëm të kufirit: Përfshihet Neni 298 i Kodit Penal.

Korrupsioni: Përfshihen nenet si : Neni 164/a Korrupsioni aktiv në sektorin privat, Neni 164/b Korrupsioni pasiv në sektorin privat, Neni 244 Korrupsioni aktiv i personave që ushtrojnë funksione publike, Neni 244/a Korrupsioni aktiv i nëpunësve të huaj publikë, Neni 245 Korrupsioni aktiv i funksionarëve të lartë shtetërorë ose të zgjedhurve vendorë, Neni 259 Korrupsioni pasiv i personave që ushtrojnë funksione publike, Neni 259/a Korrupsioni pasiv i nëpunësve të huaj publikë, Neni 260 Korrupsioni pasiv i funksionarëve të lartë shtetërorë ose i të zgjedhurve vendorë, Neni 312 Korrupsioni aktiv i dëshmitarit, i ekspertit ose përkthyesit, Neni 319 Korrupsioni aktiv i gjyqtarit, prokurorit dhe i funksionarëve të tjerë të drejtësisë, Neni 319/a Korrupsioni aktiv i gjyqtarit ose i zyrtarit të gjykatave ndërkombëtare, Neni 319/b Korrupsioni aktiv i arbitrit vendas dhe të huaj, Neni 319/c Korrupsioni aktiv i anëtarëve të jurive gjyqësore të huaja, Neni 319/ç Korrupsioni pasiv i gjyqtarëve, prokurorëve dhe funksionarëve të tjerë të organeve të drejtësisë, Neni 319/d Korrupsioni pasiv i gjyqtarit ose i zyrtarit të gjykatave ndërkombëtare, Neni 319/dh Korrupsioni pasiv i arbitrit vendas dhe të huaj, Neni 319/e Korrupsioni pasiv i anëtarëve të jurive gjyqësore të huaja, Neni 328/b Korrupsioni pasiv në zgjedhje.